

文件第一 奏牘

管見緣由。理合恭摺具陳。伏乞 皇上聖鑒。謹 奏。奉 硃批該衙門議奏欽此。

前出使美國大臣伍廷芳奏請剪髮不  
易服摺

奏為世風日變。亟宜斟酌沿革。以定民志而維利權。恭摺  
仰祈 聖鑒事。竊臣恭膺簡命。奉使美洲。本年馳赴祕墨  
古三國。呈遞國書。道經中南美洲各埠。接晤華僑。莫不悅  
懷 君國。忠愛出於至誠。惟剪截辨髮。改易西裝。則十恆  
八九。間有未經剪截者。亦復高蟠頂上。深藏固閉。惟恐人  
知。臣當以國家制度。宜如何恪遵謹守。免習歧趨。再三勸  
諭。據該僑民等僉稱辨髮下垂。屢被外人訕笑。甚且加以  
種種不美之名。有時竟為婦孺所譴弄。而其不便作事。污  
垢裳衣。尤蒙訾毀。況機器製造。廠肆林立。因辨髮而陷於  
危險者。時有所聞。似此諸多窒礙。迫得披瀝陳明。並非故  
為違異。可否代達 天聽。籲懇 朝廷。明降 諭旨。任官  
商士庶。得截去長髮。改易西裝。與各國人民一律。俾免歧

九十八

八月

視。且使將來歸國。故鄉父老。不敢責其異己。而有所為難。  
則僑氓厯系祖國之心。庶幾表白等語。臣詳加體察。該僑  
氓等所陳各節。尚屬實在情形。竊以為長髮似不妨剪截。  
而服制則萬不可更張。蓋人之一身。髮最無用。嘗考歐洲  
各國。百年以前。男子鬚髮。類皆結束。與吾國今日之制正  
同。徒以宇內大勢所趨。非此無以便交際而捷應付。故數  
十年來。各國人民。一律截髮。遂成習慣。比來交通既廣。海  
濱之士。目視商業貿遷。紳民游歷。與夫各省選派學生。留  
學各國。莫不截髮易服。以與其官商士庶相周旋。幾入焉  
而與之化。以故數年以來。靡然從風。幾有江河日下之勢。  
大致因垂髮一端。不敢自異於人。而游歐者則漫采歐風。  
入美者亦盡崇美制。雖以數十年之典章文物。為歐美人士  
所愛慕而健美之華服。亦一旦棄之如遺。而不遑少恤。  
嘗考吾國服制。導源於隆古。而大盛於我朝。綉裳深衣。短  
袂長袍。各適四時。尤便結束。視彼俗之粉領靛袖。革履絲  
冠。其繁簡雅俗之差。正未可同日而語。且西人服飾。價值

甚昂。週歲必須易置。每襲不下數十金錢。所費尤鉅。國家藏富於民。豈容任其暗爲銷耗。卽如日本維新。雖改從西制。而其所注重者。亦祇爲外交酬應。臣往年隨使東洋。接見彼國官紳。若伊藤博文等。居恆燕處。仍係保持常服。不過僅截去髻髮。其原有之麗袖利履。沿用至今。蓋削除髮髻。所博者祇在虛名。而保存服制。所爭者乃在實利。利害大小輕重之間。計之至爲精密。顧或慮翦髮之事。忘己循人。驚外自貶。於國民忠君愛國之忱。不無妨礙。不知髮辮者其形式。忠愛者其精神。我國家深仁厚澤。垂三百年。國民愛戴。皇仁。浹髓淪肌。罔分畛域。固已有此辮髮如。是無此辮髮亦如是。所謂精神上之忠愛也。臣目見海外僑民數十萬。卽或翦髮易服。言語殊離。其拳拳之忠。不忘君國。誠不減於內地居民。卽如日本自截髮易服以還。其士民之效忠於君上國家者。實與往者未變。政以前無異。抑又過之。蓋天下祇有形式改良。而後可期精神進步。未有不務精神。而惟形式之是保全者。而難者或又曰。髮辮

文件第一 奏牘

固屬形式。而翦髮何莫非形式。不知精神之來。必須振作之而始興。鼓舞之而始見者。而凡振作之鼓舞之之具。雖曰形式。實亦精神。且尤精神中之精神。趙武靈王之胡服騎射。不得以形式目之。蓋有精神之要存焉。中國變法數十年。而成效未顯著者。未始非敷衍因循之故。今誠頒發明詔。刻期翦髮。舉數百年來相沿之習俗。不易拔除之根蒂。一旦蠲而棄之。示天下以更始。則薄海內外。方日奮然於朝廷之勵精圖治。一往無前。而益將感發興起。革舊更新。天下精神之事。就有逾於此者乎。且凡事有幾微之談。可以自解者。亦不妨姑與委蛇。若髮辮一端。則內之既無裨於實用。外之復難壯乎觀瞻。考之中外古今。均屬義無可取。地球上各國。其裝束習尚。雖各隨國風。大致要不甚相遠。而求其有髮辮者。則中國一國而已。語曰。文章制度。此其可得而變革者也。今以外飾之物。無關於家國大計。而猶復全力保存。以供外人之訕笑。臣愚以爲非計之得也。臣目見歐風東漸以來。內地居民。除官紳外。凡學

文件第一 奏牘

生士子工賈商農。其因求起居便利。而翦去長髮者。所在而有。同為一國之民。同居一國之內。而異裝殊製。判若楚越。此誠地球萬國所罕聞。抑亦視國探風者之所詫怪也。況將來風氣日新。其數祇有加無減。雖嚴法厲禁。亦勢有所不能。所謂變亦變。不變亦變也。則與其聽其自變。而效難逆。何如自為變之。而尚有以鼓上下作新之氣乎。臣愚以為。國家之措置。將有所奪。必有所予。管子曰。俗之所欲。因而與之。俗之所鄙。因而去之。伏乞 聖明睿斷。明降諭旨。任官商士庶。得截去長髮。而冠服概仍舊制。似此一轉移間。則劃一修明。乃在此而不在彼。而謹厚之士。猶得以中邦自有制度。不至隨風而靡。盡為外界所劫持。似於內政外交。兩有裨益。微臣受 恩深重。且職在外交。周覽各國。見聞所及。不敢自安緘默。可否仰懇 睿斷。發交政務處會議施行。臣為維持制度。整飭紀綱起見。是否有當。伏乞 皇上聖鑒訓示。謹 奏。

御史趙炳麟奏仕途濫雜請飭詳議官

規摺

一百

八月

奏為仕途濫雜。蠹國賊民。請 旨飭令詳議官。規從速編定。以飭吏治而安民生。恭摺仰祈 聖鑒事。竊以治國之有官吏。猶治田之有農夫也。農夫能執於藝而勤於業。則田野闢。官吏能稱其職而精其事。則國家安。否則以學識闕味嗜利無恥之徒。使之服官治國。猶使墮玩游民治田。其不致荒廢本業者鮮矣。夫官人之法。古今不一。其大端有二。蓋未任之先。則精選於始。既任之後。則嚴核於終。二者不詳定辦法。雖堯舜復起。無所措手足也。我 朝入官之途。向以科舉捐納為大宗。次則保舉任子。近年以來。朝廷以科舉之取士苟簡也。於是罷科舉。以捐納之進身叢雜也。於是停捐納。宜若可以得真才。收實效。願官吏反什伯闕冗於前。且十羊九牧。事權較昔日尤為散漫者。此何故哉。蓋科舉雖罷。而學堂畢業。立授實官。舉貢考職。大逾常額。捐納雖停。而舊捐移獎。疊出不窮。市儈居奇。竟同貿易。兼之勳臣後裔。不問賢否。悉予官階。新署人員。但有